



## **Divi Thomae Aqvinatis Doctoris Angelici Opera Omnia**

Summa diligentia ad exemplar Romanæ Impreßionis restituta

Complectens Tertiam Partem Summæ Theologiæ. Cum Commentariis  
Reuerendiss. D. Thomæ de Vio Caietani Cardinalis S. Sixti, Et Opvscvlis  
Eivsdem In tres Tomos distinctis

**Thomas <von Aquin, Heiliger>**

**Venetiis, 1593**

Qvaestio LXXXI. De usu quo Christus usus est isto sacramento.

---

[urn:nbn:de:hbz:466:1-72797](https://nbn-resolving.org/urn:nbn:de:hbz:466:1-72797)

tum ex uniuersali consuetudine supponit falsum: immo, ex exordio primitiue ecclesie, quando omnes simul erant Apostoli, argumentum sumitur ad oppositum ex hoc ipso, quod Hierosolymis, ubi erat magna multitudo fidelium, sola communio sub specie panis tradita populo legitur: hinc enim tam vehementer

QVAESTIO LXXXI.

De modo, quo Christus usus est hoc sacramento, in quatuor articulis diuisa.

DEINDE considerandum est, de usu huius sacramenti, quo Christus usus est in prima sui institutione.

ET CIRCA hoc queruntur quatuor.

¶ Primo, Vtrum Christus sumpserit suum corpus & sanguinem.

¶ Secundo, Vtrum Iuda dederit.

¶ Tertio, Quale corpus sumpserit aut dederit, utrum scilicet passibile vel impassibile.

¶ Quarto, Quomodo se habuisset, Christus sub hoc sacramento, si fuisset in triduo mortis reseruat, aut consecratum.

ARTICVLVS PRIMVS.

Vtrum Christus sumpserit suum corpus & sanguinem.

AD PRIMUM sic proceditur. Vt si Christus non sumpserit corpus suum & sanguinem. Non enim de factis Christi & dictis asseri debet, quod auctoritate sacre scripturae non traditur: sed in euangelij non habetur, quod Christus corpus suum manducauerit, aut sanguinem suum biberit. non ergo est hoc asserendum.

¶ 2 Præ. Nihil potest esse in se,

Et ex eo, quod quotidie aut quasi quotidie communicabant, & ex eo quod sacri canones excluderent ab auditione missæ omnes non communicantes, ut patet de consec. distinctio. secunda, cap. peracta: hinc enim rationabiliter conijcere possumus, quod sicut recognoscendo imperfectionem posteriorum desinit ecclesia a quotidiana communione populi, & ab expellendo a missa non communicantes, ita recognoscendo imperfectionem communem, desinit a communione sub utraque specie, utpote reddita infuuta, ac periculosa communi populo.

Et per hæc patet responsio ad tria prima argumenta.

Ad quartum vero dicitur, quod maior distinguenda est, simpliciter, uel secundum quid: & si simpliciter & absolute intelligitur, uera est, ceteris paribus: si uero secundum quid, est falsa manifeste. Intellecta igitur maiore absolute & simpliciter in sensu, qui uerificatur, dicitur quod minor est falsa. Et ut singillatim manifestetur in singulis partibus eius, dicitur quod licet communicare sub utraque specie populum, sit clarius secundum sensum, & quo ad nos, non tamen est clarius secundum intellectum, & ex parte rei contentæ. Difficultates siquidem, quæ occurrunt, ex parte nostri & non ex parte rei, & ex signis falsissimum est: Et cum dicitur, quod nullius omissionis periculo se exponit, respondetur quod licet non omitat signum sen-

sibile: omitit tamen popularis communio prudentiam debitam in cauendo ab irreuerentia sacramenti, & exponit se periculo commissionis sacrilegij, a quibus tuta est communio populi sub specie panis tantum. quod uero dicitur de magis consentaneo, oporteret dicere, magis consentaneo rationi recte, aut

ipso, nisi forte ratione partium, prout scilicet una pars eius est in alia, ut habetur 4. Physicor. \* sed illud quod manducatur & bibitur, est in manducante & bibente. cum igitur totus Christus sit sub utraque specie sacramenti, uidetur impossibile fuisse, quod ipse sumpserit hoc sacramentum.

¶ 3 Præ. Duplex est sumptio huius sacramenti, scilicet spiritualis & sacramentalis: sed spiritualis non competeat Christo, quia nihil à sacramento accepit, & per consequens nec sacramentalis, quæ sine spirituali est imperfecta, ut supra habitum est. \* ergo Christus nullo modo hoc sacramentum sumpserit.

SED CONTRA est, quod Hieronymus dicit ad Lesbiam, dominus Iesus Christus ipse conuiuia & conuiuium, ipse comedens, & qui comeditur.

RESPOND. Dicendum, quod quidam dixerunt, quod Christus in coena corpus & sanguinem suum discipulis suis tradidit, non tamen ipse sumpserit: sed hoc non uidetur conuenienter dici: quia Christus ea, quæ ab alijs obseruanda instituit, ipse primitus obseruauit: unde & ipse prius baptizari uoluit, quam alijs baptismum imponeret, secundum illud Actuum 1. Cœpit Iesus facere, & docere: unde, & primo ipse corpus suum & sanguinem sumpserit, & postea discipulis sumendum tradidit: & hoc est, quod Ruth tertio, super illud,

se recta, simpliciter & absolute loquendo: & in proposito plus inuenitur, scilicet quod conditio, de qua loquimur ex parte utentis, non sinit in isto utente, sed redundet in sacramentum: quoniam attenditur secundum reuerentiam uel irreuerentiam ad sacramentum: & propterea undique ruit argumentum.

Et hæc de communione populari sub utraque specie dicta pronunc sufficiunt.

Super Questionem octuagesimam primam.

IN tota quaestione octuagesimaprime, hoc solum occurrit circa quarti articuli materiam recolendum, quod Scotica chimera superius relata, hinc apparet, ut est. Nihil enim minus corpus Christi sub sacramento nihil fuisset, si Christi corpus in propria specie annihilatum fuisset, quam in triduo corpus Christi sub sacramento fuisset mortuum, quia in propria specie fuit mortuum: cum tamen Scotus hoc concedat, & primum negat: utrumque enim, scilicet esse mortuum, & esse nihil, sunt de numero eorum, quæ conueniunt seu quæ conueniunt Christi corpori absolute, & non in ordine ad extrinseca, ut clare patet, & propterea quodcumque eorum Christi corpori in propria specie contingeret, asserendum esset de eodem sub sacramento.

Cum

Infra p. 84. artic. 7. ad 4. & 4. dist. 11. q. 3. art. 1.

lib. 4. tom. 34. com.

q. præ. art. 11.

q. 2. ad Heb. diam. tom. 4. referetur de consec. dist. 2. c. Nec Mo. 16.

4. dist. 11. q. 3. art. 1.

Trist. Joan. Ponce.

Cumque comedisset & bibisset &c. dicit gloss. \* q Christus comedit & bibit in coena, cum corporis & sanguinis sui sacramentum discipulis tradidit: vn de quia pueri communicauerunt carni & sanguini, & ipse participauit eisdem.

AD PRIMUM ergo dicendum, q in euangelij le gitur, q Christus accepit panem & calicem: non est autem intelligendum, q accepit solum in mani bus, vt quidam dicunt: sed eo modo accepit, quo alijs accipiendum tradidit. vnde cum discipulis dixit, Accipite, & comedite: & iterum, Accipite, & bibite: intelligendum est, q ipse accipiens comede rit & biberit: vnde & quidam metricè dixerunt, Rex seder in coena, turba cinctus duodena: Se tenet in manibus, se cibari ipse cibus.

AD SECVNDVM dicendum, q, sicut supra \* dictu est, Christus, secundum q est sub hoc sacramento, comparatur ad locum, non secundum proprias di mensiones, sed secundum dimensiones specierum sacramentalium, ita q in quocumq; loco vbi sunt illae species, est ipse Christus: & quia species illae po tuerunt esse in manibus, & in ore Christi, ipse totus Christus potuit esse in suis manibus & in suo ore: non autem hoc potuisset esse, secundum q compa ratum ad locum per proprias dimensiones.

AD TERTIVM dicendum, q, sicut supra \* dictum est, effectus huius sacramenti est, non solum augmē tum habitualis gratiae, sed etiam quaedam actualis delectatio spiritualis dulcedinis: quamuis aut Christo gratia non fuerit augmētata ex susceptione hu ius sacramenti: habuit tamen quandam spiritualem delectationem in noua institutione huius sacramē ti: vnde ipse dicebat Luc. 22. Desiderio desideravi hoc pascha manducare vobiscum, quod Eusebius exponit de nouo mysterio noui testamenti: quod tradebat discipulis. & ideo spiritualiter māducauit, & similiter sacramentaliter, in quantum corpus suū sub sacramento sumpsit, quod sacramētum sui cor poris intellexit & disposuit: aliter tamen quam cete ri sacramentaliter & spiritualiter fumant, \* qui aug mentum gratiae suscipiunt sub sacramentalibus sig nis, quibus indigent ad veritatis perceptionem.

ARTICVLVS II.

Vtrum Christus dederit Iudae corpus suum.

AD SECVNDVM sic proceditur. Videtur quod Christus Iudae non dederit corpus suū. Vt enim legitur Matth. 26. Postquam dedit dñs corpus suū, & sanguinem discipulis, dixit eis, Non bibam amo do de hoc genimine vitis, vsque in diem illum, cum illud bibam vobiscum nouum in regno patris mei. Ex quo videtur, quod illi quibus corpus suū & san guinem dederat, cum eo essent iterum bibituri: sed Iudas postea cum ipso non bibit, ergo non accepit cum alijs discipulis corpus Christi, & sanguinem.

¶ 2. Praet. Dominus impleuit qd praecipit, secundū illud Act. 1. cepit Iesus facere & docere: sed ipse pra cepit Mat. 7. Nolite sanctum dare canibus. Cum er go ipse cognosceret Iudam esse peccatorem, vide tur quod ei corpus suum, & sanguinē non dederit.

¶ 3. Praet. Christus specialiter legitur Iudae panē in tinctū porrexisse, Ioan. 13. Si ergo corpus suum ei dedit, videtur quod sub bucella ei dederit, praecipue cum legatur ibidem, quod post bucellam introiuit in eū sathanas. vbi Aug. \* dicit, Hinc nos docemur,

A quā sit caendum male accipere bonum: si enim corripitur qui non diiudicat, id est, non discernit corpus domini a ceteris cibis, quomodo nō dam nabitur qui ad eius mensam fingens se amicū, acce dit inimicus? sed cum bucella intincta non accepit corpus Christi: vt enim August. \* dicit super illud Ioan. 13. cum intinxisset panē, dedit Iudae Simonis Scariothis: non, vt putant quidam, negligenter le gentes, tunc Iudas corpus Christi accepit. ergo vi detur quod Iudas corpus Christi non accepit.

SED CONTRA est, q Chryl. † dicit, Iudas particeps existens mysteriorū, conuersus non est: vnde fit sce lus eius vtrinq; immanius: tum, quia tali proposito imbutus adiit mysteria: tum, quia adiens melior fa ctus nō fuit, nec metu, nec beneficio, nec honore.

RESPON. Dicendum, q Hilarius \* posuit super Matthaum, quod Christus Iudae corpus suum & sanguinem non dedit: & hoc quidem conueniens fuisse, cōsiderata malitia Iudae: sed quia Christus no bis debuit esse exemplum iustitiae, non cōueniebat eius magisterio, vt Iudam occultū peccatorem, si ne accusatore & euidenti probatione ab aliorum cōmunionē separaret, ne per hoc daretur exemplū praelatis ecclesiae, similia faciēdi, & ipse Iudas exaspe ratus, inde fumeret occasionem peccandi. Et ideo dicendum est, quod Iudas cum alijs discipulis cor pus domini & sanguinē suscepit, vt dicit Dion. \* in lib. eccles. hierar. & August. super Ioan. †

AD PRIMUM ergo dicendum, q illa est ratio Hil lar. \* ad ostendendum, quod Iudas corpus Christi non sumpsit: non tñ cogit, quia Christus loquitur discipulis a quorū collegio Iudas se separauit, non autem Christus eū exclusit: & ideo Christus quan tum est in se, etiam cum Iuda vinum in regno dei bibit: sed hoc cōnuuium ipse Iudas repudiavit.

AD SECVNDVM dicendum, quod Christo nota erat Iudae iniquitas, sicut Deo: non autem erat sibi nota per modum, quo hominibus innotescit: & ideo Christus Iudam non repulit a cōmunionē, vt daret exemplum, tales peccatores occultos non esse ab alijs sacerdotibus expellendos.

AD TERTIVM dicendum, q sine dubio Iudas sub pane intincto corpus Christi nō sumpsit, sed simpli cem panē: significatur aut fortassis, vt Aug. \* ibi dem dicit, per panis intinctionē fictio Iudae: vt. n. in ficiantur nonnulla, tanguntur: si aut bonum aliquid hic significat tinctio (scilicet dulcedinē bonitatis di uinae: quia panis ex intinctione sapidiore redditur) idem bonū ingratū non immerito est secuta dāna tio. Et propter hanc ingratitudinem id, quod est bo num, factum est ei malum: sicut accidit circa fumen res corpus Christi indigne. & sicut Aug. † ibidē di cit intelligendum est, quod dominus iam antea di stribuerat omnibus discipulis suis sacramentū cor poris & sanguinis sui, vbi & ipse Iudas erat, sicut Lu cas narrat. Ac deinde ad hoc ventum est, vbi secun dum narrationē Ioan. Dominus per bucellam tin ctam, atque porrectam suū exprimit proditorem.

ARTICVLVS III.

Vtrum Christus sumpsit & discipulis dedit corpus suum impassibile.

AD TERTIVM sic proceditur. Videtur quod Christus sumpsit, & discipulis dedit corpus suum impassibile: quia super illud Mat. 17. Transfi guratus

Tract. 61. in Io. in mcd. tom. 9.

Homil. 46. in Ioan. non re more. ante s. to. 3.

Canon. 30. in Mat. circa mcd.

Dion. c. 5. eccl. hier. par. 3. nō lō ge a prin. Aug. tract. 62. in enāg. Io. tom. 9. Loco citato in corp. art.

Tract. 61. in Ioan. circa mcd. to. 9.

ibid.

4. dist. 11. q. 3. ar. 3. Et dit. 12. q. 1. art. 2. q. 1. cor.

Gloss. ordi.  
Ibid.

Ibidem.

In lib. 4. de  
sacr. myste.  
altaris. c. 12.  
post med.

q. 28. arti.  
ad 3. & q.  
54. ar. 1. ad 1.

q. 76. art. 4.  
5. & 6.

q. 76. ar. 4.

guratus est ante eos, dicit quaedam gloss. \* Illud corpus quod habuit per naturam, dedit discipulis in cena non mortale & passibile. Et Leuit. 2. super illud, Si oblatio tua fuerit de sartagine, dicit gloss. † Crux super omnia fortis, carnem Christi, quae ante passionem non videbatur esui apta, post aptam fecit: sed Christus dedit corpus suum, ut aptum ad manducandum, ergo dedit tale, quale habuit post passionem, scilicet impassibile, & immortale.

¶ 2 Præter. Omne corpus passibile, per contactum & manducationem patitur: si, ergo corpus Christi erat passibile, per contactum & comestionem discipulorum passum fuisset.

¶ 3 Præter. Verba sacramentalia non sunt modo maioris virtutis, quando proferuntur a sacerdote in persona Christi, quam tunc quando fuerunt prolata ab ipso Christo: sed nunc virtute verborum sacramentalium, in altari consecratur corpus Christi impassibile & immortale, ergo multo magis tunc.

SED CONTRA est, quod sicut Innoc. III. † dicit, tale corpus tunc dedit discipulis, quale habuit: habuit autem tunc corpus passibile & mortale, ergo corpus passibile & mortale discipulis dedit.

RESPON. Dicendum, quod Hugo de sancto Victo, posuit, quod Christus ante passionem diuersis temporibus quatuor dotes corporis glorificati assumpserit, scilicet subtilitatem in natiuitate, quando exiit de clauo utero Virginis: agilitatem, quando ambulauit siccis pedibus super mare: claritatem, in transfiguratione: impassibilitatem, in cena, quando corpus suum discipulis tradidit manducandum, & secundum hoc dedit discipulis corpus suum impassibile & immortale: sed quicquid sit de alijs, de quibus supra dictum est, \* quid sentiri debeat, circa impassibilitatem tamen impossibile est esse quod dicitur: manifestum est enim, quod idem corpus Christi erat quod a discipulis tunc in propria specie videbatur, & in specie sacramenti sumebatur: non autem erat impassibile, secundum quod in propria specie videbatur, quinimmo erat passioni paratum: unde nec ipsum corpus Christi, quod in specie sacramenti dabatur, impassibile erat. Impassibili tamen modo erat sub specie sacramenti, quod in se erat passibile: sicut inuisibiliter quod in se erat visibile: sicut enim visio requirit contactum corporis, quod videtur, ad circumstans medium visionis, ita passio requirit contactum corporis, quod patitur, ad ea quae agunt: corpus autem Christi secundum quod est sub sacramento, ut supra dictum est, † non comparatur ad ea quae circumstant, mediatis proprijs dimensionibus, quibus corpora se tangunt, sed mediatis dimensionibus specierum panis & vini: & ideo species illae sunt quae patiuntur & videntur, non autem ipsum corpus Christi.

AD PRIMUM ergo dicendum, quod Christus dicitur non dedisse corpus suum mortale & passibile: quia non dedit mortali & passibili modo. Crux autem fecit carnem Christi aptam manducationi, in quantum hoc sacramentum representat passionem Christi.

AD SECUNDUM dicendum, quod ratio illa procederet, si corpus Christi sicut erat passibile, ita passibili modo fuisset sub sacramento.

AD TERTIUM dicendum, quod sicut supra dictum est, \* accidentia corporis Christi sunt in sacramento ex reali concomitantia, non autem ex vi sacramenti; ex qua est ibi substantia corporis Christi, & ideo virtus verborum sacramentalium ad hoc se extendit, ut

fit sub sacramento corpus Christi, scilicet quibuscumque accidentibus realiter in eo existentibus.

ARTICVLVS III.

Utrum si hoc sacramentum tempore mortis Christi fuisset seruatum vel consecratum, ibi moretur.

AD QUARTUM sic proceditur. Videtur quod si hoc sacramentum tempore mortis Christi fuisset seruatum in pixide, vel ab aliquo Apostolorum consecratum, non ibi moretur. Mors enim Christi accidit per eius passionem: sed Christus impassibili modo etiam tunc erat in hoc sacramento: ergo non poterat mori in hoc sacramento.

¶ 2 Præter. In morte Christi separatus fuit sanguis eius a corpore: sed in hoc sacramento simul est corpus Christi & sanguis: ergo Christus in hoc sacramento non moretur.

¶ 3 Præter. Mors accidit per separationem animae a corpore: sed in hoc sacramento continetur tantum corpus, quam anima Christi: ergo in hoc sacramento non poterat Christus mori.

SED CONTRA est, quod idem Christus, qui erat in cruce, fuisset in sacramento: sed in cruce moriebatur: ergo & in sacramento conseruato moretur.

RESPON. Dicendum, quod corpus Christi idem in substantia est in hoc sacramento & in propria specie, sed non eodem modo: nam in propria specie contingit circumstantia corpora per proprias dimensiones, non autem prout est in hoc sacramento, ut supra dictum est: \* & ideo quicquid pertinet ad Christum secundum quod in se est, potest attribui ei & in propria specie & in sacramento existenti: sicut viuere, mori, dolere, animatum vel inanimatum esse, & cetera huiusmodi: quaecumque vero conueniunt ei per comparisonem ad corpora extrinseca, possunt ei attribui in propria specie existenti, non autem prout est in sacramento: sicut irrideri, conspui, crucifigi, flagellari, & cetera huiusmodi: unde & quidam metricè dixerunt, Pixide seruato poteris sociare dolorem Innatum, sed non illatus conuenit illi.

AD PRIMUM ergo dicendum, quod, sicut dictum est, † passio conuenit corpori passio per comparisonem ad agens extrinsecum, & ideo Christus, secundum quod est sub hoc sacramento, pati non potest: potest tamen mori.

AD SECUNDUM dicendum, quod, sicut supra dictum est, \* sub specie panis est corpus Christi ex vi consecrationis: sanguis autem sub specie vini: sed nunc quidem, quando realiter sanguis Christi non est separatus ab eius corpore, ex reali concomitantia & sanguis Christi est sub specie panis simul cum corpore, & corpus sub specie vini simul cum sanguine: sed si tempore passionis Christi, quando realiter sanguis fuit separatus a corpore Christi, fuisset hoc sacramentum consecratum, sub specie panis fuisset solum corpus, & sub specie vini fuisset solum sanguis.

AD TERTIUM dicendum, quod, sicut supra dictum est, anima Christi est in hoc sacramento ex reali concomitantia, quia non est sine corpore: non autem ex vi consecrationis: & ideo si tunc fuisset hoc sacramentum consecratum vel peractum, quando anima erat a corpore realiter separata, non fuisset anima Christi sub hoc sacramento: non propter defectum virtutis verborum, sed propter aliam dispositionem rei.